

## শিক্ষকদের মান উন্নয়ন ছাড়া শিক্ষার উন্নয়ন সম্ভব নয় : ঢাবি উপাচার্য

**বিশ্ববিদ্যালয় বার্তা পরিবেশক**

শিক্ষকদের মর্যাদা ও মান উন্নয়ন ছাড়া শিক্ষার প্রকৃত উন্নয়ন সম্ভব নয় বলে মন্তব্য করেছেন ঢাকা বিশ্ববিদ্যালয়ের (ঢাবি) উপাচার্য ড. আ. আ. ম. স আরেফিন সিদ্দিক। বৃহস্পতিবার ঢাবি বিজনেস স্টাডির কনফারেন্স হলে জাতীয় প্রাথমিক সহকারী শিক্ষক ফাউন্ডেশনের উদ্যোগে অনুষ্ঠিত 'প্রাথমিক শিক্ষা ও শিক্ষকদের মান উন্নয়নে' শীর্ষক প্রতিনিধি সম্মেলনে প্রধান অতিথির বক্তব্যে এ মন্তব্য করেন। এ জন্য আপশ্রম বেতন স্কেল, শতভাগ বিভাগীয়

পদোন্নতি, নন ভকেশনাল ডিপার্টমেন্ট বাস্তবায়ন জরুরি বলে অভিমত প্রকাশ করেন তিনি। ফাউন্ডেশনের সিনিয়র যুগ্ম সম্পাদক আবদুর রউফ শাহীন ও আমিনুল হকের যৌথ সঞ্চালনায় সম্মেলনে আওয়ামী লীগের দফতর সম্পাদক ড. আবদুস সোবহান গোলাপ, বাংলাদেশ কলেজ ও বিশ্ববিদ্যালয় শিক্ষক সমিতির সভাপতি ড. মো. আখতারুজ্জামান, আওয়ামী লীগের কার্য নির্বাহী কমিটির সদস্য সৃজিত রায় নন্দী, বঙ্গবন্ধু শিক্ষা ও গবেষণা পরিষদের সাধারণ সম্পাদক অধ্যাপক সিরাজুল হক

আলো, ফাউন্ডেশনের সাধারণ সম্পাদক মো. মোকাম্মেল হোসেনসহ অন্যরা বক্তব্য রাখেন। সম্মেলনে বক্তারা মুক্তিযুদ্ধের অসাম্প্রদায়িক বাংলাদেশ গড়ার লক্ষ্যে যুগোপযুগি শিক্ষা ব্যবস্থার পাশাপাশি সহকারী প্রাথমিক বিদ্যালয়ের শিক্ষকদের পেশাগত বৈষম্য, মর্যাদা ও অধিকার সংরক্ষণের দাবি জানান। এদিকে, শাহীনের আভ্যন্তরীণ সভাপতি ও মোকাম্মেল হোসেনকে সাধারণ সম্পাদক করে সম্মেলনে জাতীয় প্রাথমিক সহকারী শিক্ষক ফাউন্ডেশনের একটি নতুন কমিটি ঘোষণা করা হয়।